

KILANG SERAI AKAN KARAM LAGI?

Di Singapura sekarang ini telah heboh lagi diperbincangkan masalah yang mengenai perkara Great Eastern Trade Fair yang di luluskan perdiriannya oleh Jabatan Bandaran Singapura hanya sebagai sebuah tempat yang meliputi makna namanya itu dan jika diadakan di dalamnya seperti taman-taman hiburan yang lain maka keluasan itu akan ditarik balik. Sekarang perkara itu yang saya percaya terbitnya lebih utama harus daripada penajanya telah ada ura-ura untuk meminta supaya “Trade Fair” itu dijadikan taman hiburan dengan konon-kononnya untuk memberi kelapangan kepada orang di sekeliling daerah itu – yang dari Beduk dan Changi padahal tempat itu tidak pula berapa jauh daripada Happy World yang sememangnya termasuk di dalam kawasan kilang

INGATLAH!

(oleh Ahmad Lutfi)

“Loner Park” sudah tidak berjaya tetapi

Kejadian ini adalah riwayatnya tentu berbalik kepada semua cadangan yang telah lalu untuk menegakkan di situ sebuah taman hiburan dengan nama “Loner Park” yang telah tidak berjaya disebabkan banyak kejadian-kejadian yang merosakkan kepada kedudukan penduduk-penduduk kampung di situ – pergaduhan terjadi, curi mencuri semakin hebat sehingga terjadi, curi mencuri semakin hebat sehingga konon-kononnya pada masa itu, kasut tak boleh terletak di luar rumah – cerai berai suami isteri oleh kerana suami tak mengendahkan perbelanjaan rumah tangga, akhlak pemuda-pemuda runtuh sehingga banyak kanak-kanak yang meningkat baharu berumur belasan tahun telah meminum benda-benda yang memabukkan – semuanya ini telah pun saya gambarkan riwayatnya dan tamsilnya di dalam sebuah buku yang bernama “Geylang Serai Karam” yang menuntut supaya tiap-tiap mereka yang bertanggungan mengambil berat dalam perkara itu untuk keselamatan penduduk-penduduk di daerah itu daripada tercubur ke dalam bencana yang menambah lagi kerosakan akhlak mereka yang sememangnya miskin ataupun yang telah melarat hidup mereka di dalam daerah itu.

kemudianya dengan satu helah yang lain, di datangkan permohonan untuk di dirikan sebuah “Trade Fair” di situ yang rupanya atau keadaannya berlainan daripada taman hiburan dengan belanja lebih dari tiga suku million ringgit. Bangunan-bangunannya cantik terbuat daripada batu dan indah dan telah pun siap ; kemudian daripada telah siap itulah tempat itu dicadangkan pula supaya dijadikan taman hiburan sebagaimana yang dicita-citakan dahulu dengan nama “Loner Park”. Ini adalah menjadi saya percaya akan mengulangkaji langkah-langkah tatkala mendirikan New World dahulu di dalam mana tujuan yang pertama “Trade Fair” kemudian berubah kepada taman hiburan iaitu suatu dalih yang sangat sesuai dengan makna pepatah “lulus jarum lulus kalindan” dan sebab itulah sebagaimana yang saya tulis di dalam buku “Geylang Serai Karam” adalah memberi tahniah atas usaha-usaha mereka yang membantah untuk keselamatan dan kesejahteraan penduduk-penduduk di situ – dikecualikan sebahagian orang yang sengaja mengambil peluang menangguk di air yang keruh mencari maslahat diri dengan tiada sekali mengendahkan maslahat dan kedudukan orang ramai di situ.

Kita mesti berfikir di antara dua perkara – adakah sebenarnya taman hiburan itu boleh dijadikan hujah untuk mencari kelapangan fikiran oleh penduduk-penduduk di dalam daerah itu? – ini bermakna mencari kelapangan bagi orang yang lapang sedang menyusahkan kehidupan orang yang sempit terutamanya penduduk-penduduk daerah itu.

Kita mesti mengkaji adakah lebih faedahnya

atau keburukannya dan kita berharap

pihak Ahli-ahli Majlis Mesyuarat Bandar

Raya menilik dengan saksama di atas dua

perkara yang tersebut itu untuk maslahat

dan faedah penduduk kampung itu

kerana adalah menjadi tidak munasabah benar

– meraikan tuntutan orang diluar daerah itu sedang

bencananya sangat besar kepada maslahah orang-orang yang menduduki

kawasan itu.

Saya suka menarik perhatian, sebagaimana yang telah saya

tulis, bahawa tidak ada faedahnya kerajaan mendirikan

Jabatan Sosial Wilopo (Jabatan Kebajikan Am) yang

mempunyai pula jabatan-jabatan anti – biasa (menghapuskan

pelacuran) oleh kerana apabila diluluskan “Trade Fair”

itu menjadi taman hiburan maka tak dapat tidak bertambah

lagi galaknya pelacuran-pelacuran akan terjadi di dalam daerah

itu dan dengan kerana itulah sekiranya diraikan

tujuan-tujuan pihak pemuda yang tiga suku million

ringgit itu akan merosakkan kedudukan dan taraf


berpuluhan-puluhan ribu penduduk daerah itu kepada merbahaya

yang bukannya sehari dua tetapi bertahun-tahun iaitu

menggalakkan perkara-perkara yang merosakkan akhlak anak-anak

kita yang digambarkan kepada mereka kejadian-kejadian yang buruk

dan keji itu.



Penganjur-penganjur Mesir bersatu padu. Dari kanan : Makram Abid Basya Al-Nahas

Basya, Ali Mahir Basya dan Doktor Muhammad Hussin Haikal Basya.

Dengan sebab itu adalah sangat diharap bahawa dipandang

lebih dahulu maslahat penduduk di dalam daerah itu daripada

maslahat modal yang ditanam di situ dengan suatu helah

lulus jarum lulus kalindan. Keputusan daripada

perkara ini nanti akan dapat dilihat adakah ahli-ahli jemaah

bandaraya itu, terutamanya yang dipilih oleh penduduk-penduduk

daerah itu mempertahankan maslahah penduduk-penduduk yang mewakilinya

ataupun terpengaruh oleh modal-modal yang ditanam yang saya

berani katakan akan menghancur leburkan akhlak dan

budi pekerti penduduk-penduduk di situ umumnya adanya.

Tanda kelemahan seseorang gadis ialah tak dapat

mempertahankan kehormatan dirinya daripada ganguan lelaki

yang durjana yang hendak menodainya. Seseorang gadis yang

mengizinkan sahaja seorang lelaki menyentuh badannya sahaja

adalah menunjukkan gadis itu rendah darjatnya. Cantik

dan pintarnya tidak berharga sedikit pun pada mata

orang-orang yang berkehormatan.